

CASPAR BARLÆVS,

* * * *

S. P. D.

ALDE me recrearunt Epigrammata tua , Nobilissime Domine , nec minus Constantini tui. Totis mihi modiis admetiris versus,toto me cœlo & meteororum omnium ingenti congerie , domesticâ adhæc suppellestile donas. Quæ dum in argutos singula sensus contorques , imperium mihi in superos inferosque exercere videris. Vapulant tibi Sol,Luna,pluviæ, grando, nix, cometæ, fulmina , ignes fatui, totusque exercitus imperfectorum corporum. Inde ex suppellestile Satyram contexis, & acum, pectines, specula , forfices , forcipes , denti-scalpia,

scalpia, & nihil non istorum im-
 pedimentorum, tanquam stultitię
 nostrae argumentum, traducis. Ex-
 pendi cum Nobilissimis Doctissi-
 misque viris, Satrapa Muydensi
 & Vicoftio acumina tua &
 subtilissimas cuspides, in quas
 desinunt Epigrammata. Multa
 sunt, quæ ipsam Bilbilim obtun-
 dunt. Sed hoc unicè velim, ut
 istius generis poëmata omnia col-
 ligas in unum; *Ne turbata volent*
levibus ludibria ventis. Magnam vim
 habes hujus annonæ. Collecta ede
 in lucem. Erunt pro acetariis fa-
 stidientibus stomachis, & lactuce,
 malvarumq; officium præstabunt
 Sophroniscis. Meditationes tuas
 de Organorum in templis usu &
 abusu, legi non oscitanter. Est Pe-
 ripato suum Organum, est Eccle-

C fix.

siæ. Illud procul à fano, hoc fano-
rum proprium. Illud rectæ ratio-
nis regula est & norma. Hoc vo-
ces cantusque nostros moderatur.
Illud in scholis, hoc in templis so-
nat. Illud sapientiæ præludit, hoc
pietati. Prius ignorantia & errori,
posterior tristitia ac dolori mede-
tur. Templorum Organa digitæ
pedesque movent ludentium. No-
strum Organum doctæ profiten-
tium & docentium voces. Illa ven-
tus inflat & sub balneo ædituus;
hoc nostrum Simplicii, Philoponi,
Ammonii, Aphrodisæi, Averroës,
magna nomina. Ut prærogativis
non levibus præcellere videantur
Peripateticorum Organa. Triplici
delectamur Musicâ. eâ, quæ vocis
est: eâ quæ pedum est, & ad nume-
ros saltat: & eâ, quæ Organica est,
nume-

numerosque instrumentis , tibiæ,
 citharæ , testudini , cymbalisque
 applicat. Hæc postrema in templo
 irrepsit , sed malo apud plurimos
 more. Etenim , quæ non nisi sacra
 loqui debebant , profanos subinde
 & lascivos sensus auribus ogge-
 runt. Et licet nulla soni , in non
 viventibus , sit impuritas labesque
 hoc tamen illa peccant nomine ,
 quod memoriam injiciant rerum
 minimè cœlestium , vocibus ad nu-
 meros eosdem factis expressarum.
 Clamant passim Organa , dum
 abitionem è templis paramus ,
 dum garrimus saturi sacræ audi-
 tionis , dum de prandio vel cœna
 cogitamus , dum ambulationibus
 diem horamque dicimus. Hæc
 aliaque plurima correcta cupis , aut
 saltem ut corrigenda , indicas.

C 2 Omni-

Omnino tecum sentio. Non ab-
horrere pietatem à cantu & lusu.
Vetus illud est: Deum canere fidi-
bus & citharâ. non est superiotis
sæculi inventum tertia hæc Musi-
cæ species. Antiquissimus orga-
norum inventor Jubal fuit. Noa-
chum & Japetum antevertit hæc
hominum solertia. Eget animus
adminiculis quibus ad Deum se &
cœlestia erigat, humo aliàs affixus
& languens. Facit hoc Musica, que
dum aërem percutit harmonice,
percutit illum, qui aurium anfra-
ctibus continetur, illisque verna-
culus est. Hic spiritus afficit, quos
animales vocant, animæ operantis
proximum instrumentum. Hi ani-
mam movent, & eam maximè
vim, quæ concupiscibilis dicitur,
ubi gaudium, lætitia, amor jucun-
di

di & tristium fuga odiumque sta-
bulantur. Et quia gaudio hoc frui-
tur attenta imaginatio , gaudet
imaginatione delectabili ipsa ra-
tio & intellectus. Hic dum nume-
ros accipit sanctioris cantilenæ aut
poëmatis quod de Deo, vel Ange-
lis , vel Christo & salutis nostræ
mysteriis loquitur, excitatur & eri-
gitur horum cogitatione mens, &
animali gaudio succedit spirituale
& verè diuinum ac cœleste, quod
nos subductos humo Deo proprius
jungit, & velut ecstasi quâdam ab-
ripit mentem, & cœtibus, (dixisse
penè Dîs) miscet Superis. Quæ
cuni ita sint, pessimo divortio ab
Organis attentionem , ab atten-
tione pietatem & rerum divina-
rum seriam meditationem separa-
mus. Tu, * * *, medicinam
C 3 publi-

publico errori quæris & invenis.
Nec dubito, quin admissuri illam
sint, & amplexuri sacrorum anti-
stites. Ea quippe observas, quæ
& caveri debent religiosè, & fieri
minus superstitione. Scribis te au-
rium apostemate laborare. non
debebas sanè, ut qui crassas & Ba-
tavas habuisti nunquam. aperto
abscessu auribus eris purgatissimis,
uti naris es & fuisti emunctissime.
Certè olfacere potuisti tot organo-
rum apostemata, & attendere
ad illa, quæ in eorundem in templis
usu inconcinna prolsus sunt & dis-
sona. Valetudinem tibi quâvis
corporis parte validam ex animo
precor. Filiorum quadrigam sa-
luta. Constantino respondebo in-
tra dies pauculos. Mira scribit
Adolescentulus iste, ætate puer,

præ-

39

prævenit arte senem. Nec te de-
generem se præstat Christianus,
qui licet à fratre secundus sit, non
vult esse secundus. Vale, vir ma-
xime , nec odiſſe velis unquam,
qui te deperit & virtutes tuas pro
interula habet:

*Pectoris illa tui virtus candorque fi-
desque*

Proxima, Barlæi tangit operat tui.

Amstel. Feb. 26.

A° cIcI cxli.

C 4 IN